



**SOGN OG FJORDANE
BONDELAG**



ÅRSMELDING 2016



Styret i Norges Bondelag på vestlandstur

ÅRSMELDING 2016 - Sogn og Fjordane Bondelag

Med ny teknologi og nye arkivsystem ligg svært mykje av fylkeslaget sitt arbeid allereie lagra digitalt. Det vedkjem både saksutgreiingar, e-postar og andre arkivverdige dokument som kjem inn til fylkeslaget. Fylkeslaget vil difor endre form på årsmeldinga. Årsmeldinga for 2016 vil bli ei forkorta skriftleg utgåve i kombinasjon med ein video som skal synleggjere arbeidsåret 2016.

Styret i Sogn og Fjordane Bondelag har i 2016 vore sett saman av

Leiar:	Anders Felde, Breim Bondelag
Nestleiar:	Ole-Ivar Aam Sognnes, Fjaler og Hyllestad Bondelag
Styremedlemer:	Kari Sigrun Lysne, Lærdal Bondelag Nils Magne Gjengedal, Hyen Bondelag Marianne Kvalvik Kvamme, Eikefjord Bondelag
Varamedlemer:	1. Ole Bjarne Hovland, Årdal Bondelag 2. Inge Brekke, Høyanger Bondelag 3. Tor Arne Herstad, Naustdal Bondelag

Året 2016 har til liks med året før vore prega av at mykje av landbrukspolitikken har vore sett i spel. Seinast gjennom Meld. St.11 (2016-2017), den nye jordbruksmeldinga, som angrip jordbruket sine politiske verkemidlar får mange retningar. Meldinga vart lagt fram den 9. desember. Eigdomsregelverket er sett i spel. I statsbudsjettet kom det hausten 2016 framlegg frå regjeringa, som ville ha svekka rammevilkåra for å kunne investere i næringa, om dei hadde vortne vedtekne.

Styret har hatt 8 styremøte og eitt styreseminar i løpet av 2016. Med eitt unntak var styremøta gjennomført på 1 dag. Det er til saman handsama 26 protokolførte saker. Dei viktigaste sakene har vore:

- Innspel til jordbruksmeldinga i førekant av at ho kom og i etterkant når ho låg føre
- Innspel til nytt næringspolitisk program for Norges Bondelag
- Fråsegn til jordbruksforhandlingene 2016
- Drøfting av aksjonsformer og aksjonsberedskap
- Strategi for det politiske arbeidet
- Forenkling av Prisutjamningsordninga for mjølk
Kjartan Åsnes og Cecilie Bjørlo orienterte i eit styremøte
- Opprettig av eit grovforutval i Norges Bondelag
- Medlemsverving
- Regionreforma
Fylkesvaraordførar Åshild Kjelsnes orienterte på styreseminar
- Handlingsplan 2017 – Bruk av RBU midlane
- Retningsliner for lokalisering av kjøpesenter i fylket
- Høyring på forslag til å endre odelslova, konsesjonslova og jordlova
- Kandidatar til dyrevernemnder i region sør og vest
- Sogn og Fjordane Næringsråd – medlemsskap?
- Støtte til ulike tiltak som Fjordhest NM, 4H fylkesleir m.m.
- Vassrammedirketivet
- Rovviltpolitikk – ekstraordinært uttak

Styret har delteke på lokallagsårsmøte, regionmøte og fagmøte i lokallaga. Representantar frå fylkesstyret prøver så langt råd er å delta på alle tilskipingar i lokallaga der ein vert invitert.

Sogn og Bondelag hadde pr. 31.12.2016 eit medlemstal på 3739, som er ein nedgang på 16 medlemer sett i høve til 31.12.2015. Fylkeslaget besto av 46 lokallag pr 31.12.16.

Fylkeslaget har 3 tilsette på kontoret i Førde. Det har også vore utført sekretærtenester for Inn På Tunet, Hanen og Sogn og Fjordane Bygdekvinnelag.

Organisasjonsarbeid

Årsmøtet i Sogn og Fjordane Bondelag

Fylkesårsmøtet vart skipa til på Thon Hotel Jølster den 3. og 4. mars 2016. Det møtte 48 utsendingar med røysterett. Frå Norges Bondelag sitt styre møtte 2. nestleiar Brita Skallerud. Fokus første dagen var klimaendringar, klimatilpassing og Grønt skifte. Innleiarar var Atle Nesje frå Universitetet i Bergen og rådgjevar i Norges Bondelag Svein Guldal. På dag to var det først ein gjennomgang av korn- og kraftførpolitikken i Norge ved Ole Nikolai Skulberg frå Felleskjøpet. Deretter var det årsmøtesaker og innleiing av Brita Skallerud. Siste del av møtet er for utsendingane frå lokallaga og eventuelle andre tilhøyrarar med tilknyting til fylkeslaget eller lokallaga.

Årsmøtet i Norges Bondelag



Sogn og Fjordane Bondelag har rett på 7 utsendingar pluss fylkesleiar i årsmøtet. Desse møtte: Nils Magne Gjengedal, Ole-Ivar Aam Sognnes, Knut Tore Nes Hjelle, Inge Brekke, Claus R. Moe (vara for Marit Flatjord) Marianne Kvalvik Kvamme, Kari Sigrun Lysne og Anders Felde. Merete Støfring møtte frå fylkeskontoret. Fylkeslaget har dyktige utsendingar som ikkje er «skuggeredde». Alle tok ordet i møtet, anten i form av innlegg eller replikkar. Var eitt av dei mest synlege fylkeslaga i møtet. Tema i innlegg frå fylket var grovfördyrking, jordbruksavtala, økonomien på små og mellomstore bruk, investeringspakke, omsynet til struktur og distrikt, kontingen og prioriteringar innan frukt og bær.

Styreseminar i Gloppen

Fylkesstyret starta hausten med eit styreseminar i Gloppen der tema var politisk arbeid fram mot valet 2017. Frå Norges Bondelag sentralt deltok Astrid Solberg med innleiingar. Med utgangspunkt i møtet er det laga ein arbeidsplan for arbeidet fram til valet. Dette er eit levande dokument som vert endra undervegs og i tråd med avtalar som vert gjort. Om kvelden var det lagbygging i Langedalen. Dag to på styreseminaret var sett av til kunnskapsbygging om regionreforma. Fylkesvaraordførar Åshild Kjelsnes innleia på temaet



Leiarmøte og AgroNordvest

Leiarmøtet vart skipa til i Førde den 20. oktober. Arild Bustnes og Bjørn Gimming representerte Norges Bondelag sentralt i møtet. Deltakarane kunne overnatte og delta på AgroNordVest dagen etter. AgroNordVest samla 140 deltakarar. Samlinga vart i 2016 gjennomført som fagdag og sette fokus på areala våre og dyrking av grovfôr. Arrangementet er eit samarbeid mellom landbruksorganisasjonane i Sogn og Fjordane. Arbeidsgruppa har vore sett saman av Norunn Ulvedal frå TINE, Dag Arne Helle og Grim Erik Gillestad frå Felleskjøpet, Ingvill Jørgensen frå Nortura og Anita Sæther frå Sogn og Fjordane Bondelag.

Rekneskapsførarkurset

Det årlege tema- og skattekurset for rekneskapsførarar vart skipa til på Scandic Sunnfjord Hotel i Førde 26.-28. oktober 2016. Kurset starta med temadag, som er eit samarbeid mellom Økonomiforbundet og Norges Bondelag. Kurstema var ”Klar for tilsyn med ny GRFS», og forelesarar var Jon Baggetorp frå Spydeberg Regnskapslag SA og Bernt Jan Aaland frå Finanstilsynet. Skattekurset gjekk over to dagar og hadde 72 deltakarar. Aktuelle tema som var oppe var skatte- og avgiftsopplegget, skatteforvaltningslova, pensjons- og trygderettar for næringsdrivande, andelslandbruk og tilskotssøknader i jordbruket. Forelesarar var Pål Kristian Ormstad og Marianne Imerslund frå Bondelagets Servicekontor.

Kommunikasjon

I 2016 har Fylkesbondelaget målretta styrka innsatsen brukt på nettsaker, lesarinnlegg, nyhende i media og sosiale media. Det er ein styrke for organisasjonen å ha tilsett eigen arbeidstakar med kompetanse innan journalistikk. Det er eit mål å få fram verdiskapinga i landbruket i fylket gjennom bilet, video og ord. Mellom anna hadde fylkeslaget ein eigen populær adventskalender på Facebook som synleggjorde lokal matkultur knytt opp mot jul. Samstundes er det eit mål å styrke kompetansen til dei tillitsvalde på ulike nivå slik at dei i endå sterkare grad enn i dag medverkar til å spreie bodskapen som vert lagt ut.

Open Gard

Open Gard vart skipa til på fire stader i fylket i 2016: I Svardalen i Eikefjord, Mo og Øyrane Vidaregåande skule på Mo, Hovland Gard på Kaupanger og Norsk Fjordhestgard på Breim. Tilskipingane gjev dei besøkjande gode opplevingar, og spreier kunnskapar om norsk landbruk. Det vert gjort ein stor dugnadsinnsats for å få til arrangementa, tusen takk til alle som stilte opp. Det er mykje positivitet rundt Open Gard, og å få til endå fleire Open Gard tilskipingar i Sogn og Fjordane er ein målsetnad.



Verveutvalet

«Vervespurt» i tre etappar starta opp på leiarmøtet i Førde i oktober. Målet med kampanjen er å få medlemsverving på dagsorden i heile organisasjonen. Fylkeslaget mottok lister frå produsentregisteret over søkjarar om produksjonstilskot som ikkje er registrerte som medlemmar i Bondelaget. Fylkeskontoret gjekk gjennom listene, og sende dei kommunevis ut til lokallaga med oppmoding om vidare oppfølging. Verveutvalet tek oppdrag med ringing eller besøk til potensielle medlemmar. Fylkeslaget ønskjer ein tett dialog med lokallaga om korleis vi best skal organisere vervearbeidet.

Innsamling av landbruksplast

Sogn og Fjordane Bondelag har eit samarbeid med Tenden Miljø om innsamling av landbruksplast i Sunnfjord, Nordfjord og Ytre Sogn (i Indre Sogn står SIMAS for innsamlinga). Bondelaget på fylkesnivå medverkar med dekking av kostnader til deler av annonseringa, men elles er det Tenden Miljø som står for planlegginga saman med lokale bondelag. For å oppretthalde og styrke ei ordning som dekkar heile fylket er det viktig å slutte opp om det samarbeidet som vi har med Tenden.

Prosjekt "Framtid i landbruket i Sogn og Fjordane"

Gjennom prosjektet "Framtid i landbruket i Sogn og Fjordane" er det etablert kontakt med ungdomsskular i ni kommunar i fylket, og gjennomført aktivitetar som skal gjere elevane kjende med naturbruksutdanningar og landbruksnæringa. Lokale bondelag gjer ein god jobb med tilrettelegging for dei ulike aktivitetane i prosjektet. Det mest populære tiltaket er gardsbesøk over


ein heil skuledag for 8. klassingar, der elevane får innsyn i arbeidsoppgåver og drift av garden. Samvirkeorganisasjonane og Bondelaget har og besøkt fleire 9. klassar, og informert om verdiskaping, sysselsetjing og jobbmoglegheiter knytt til landbruket. I 10. klasse har nokre skular gjennomført "Landbruksspelet", der elevane skal vere bønder for ein dag og ta stilling til mange spørsmål og avgjersler som bonden må ta. Spelet er eit tverrfagleg gruppearbeid som går over ein heil skuledag. Det har kome tilbakemeldingar om at landbruksspelet treng oppgraderingar, mellom anna bør det brukast data i gjennomføringa. Prosjektet er i hovudsak drifta med løyvingar frå Sogn og Fjordane Fylkeskommune sine midlar for rekruttering og kompetanseheving i landbruket.

Norges Bondelag på Vestlandstur

I samarbeid med dei andre fylkeslaga på Vestlandet var styret i Norges Bondelag invitert på Vestlandstur i midt av august. Turen starta i Molde og enda i Gloppe. Undervegs besøkte styret Bærmottak i Valldal, pelsdyrbruk og geitebruk i Ørsta, gjennomsnitts mjølkebruk i Hornindal, bringebærproduksjon i Innvik og sau og svineprodusent i Fjellbygda i Gloppe. Frå Sogn og Fjordane Bondelag deltok Anders Felde og Merete Støfring på turen frå Valldal til Gloppe. Besøket i Fjellbygda gjorde inntrykk på styret. Der fekk dei sjå slått med vossakasse og avlessarvogn i bratt terreng «live». Kyr på rømmen var der også. Fokuset til Sogn og Fjordane var å synleggjere utfordringar knytt til arealbruk og investering.

Statsrådbesøk

Landbruksminister Jon Georg Dale vitja fylket i mai. Han besøkte mjølcefjøs i Naustdal, opna tømmerkai i Eikefjorden og besøkte bruket til André Espeseth i Flora.



Politikarmøte

Fylkesstyret har i løpet av året hatt møte og dialog med representantar for dei fleste politiske partia ved mange høve og med fokus på mange saker. Mellom anna vitja leiari i KrF Knut Arild Hareide, nestleiar Olaug Bollestad og generalsekretær Hilde Frafjord Johnsen Sunnfjord i august.



Gardsbesøk i Stardalen med leiinga i KrF



Norges Bondelag på Vestlandstur

Seint på hausten besøkte fylkesleiinga i Ap fleire ulike gardsbruk i Naustdal og like før jul gjennomførte fylkeslaget første dag på «landbruksakademiet» for ungdomspolitikarar. Høgre var på slakteribesøk og gardsbesøk. Hovudutval for næring og kultur fekk også besøk. Det er ikkje noko som tyder på at besøka vil bli færre i valåret 2017. Det handlar om dialog og kunnskapsbygging



Ap i Breim, Høgre på Nortura i Førde og på Hovudutvalet sitt møte i Sogndal



Ungdomspolitikarar frå Senterpartiet, Høgre og Arbeidarpartiet på gardsbesøk i Naustdal



Arbeidarpartipolitikarar på gardsbesøk i Naustdal. Vitja 3 ulike bruk med mjølk, sau og kjøtproduksjon

Vårkampanjen

Dette året var det fokus på å lage til ei kjekk oppleving for barn i barnehagen og småskulen. Det var mellom anna lage eigne tatoveringar med motiv frå landbruket. Dei tatoveringane sat skikkeleg fast ☺ I Breim var ungane i barnehagen invitert på besøk hos Arne Einar og Unni Reed. Barnehagen fekk også nye grøne traktorar.



Anita Sæther, slutta på fylkeskontoret 31.12.2016. No blir det meir tid til folk og fe heime.
Takk for god jobb og lukke til med utvikling av garden!

Minneord Magnus Grimset (1916-2016)

Magnus Grimset kvidde seg ikkje for å ta på seg oppgåver for fellesskapet, og Bondelaget kunne i svært mange år nyte godt av hans engasjement, kunnskap og dugnadsånd.

Han var leiar i Naustdal Bondelag frå midt på 1950-talet fram til og med 1962.



På årsmøtet til Sogn og Fjordane Bondelag i 1961 vart han vald til leiar i fylkeslaget. Eit verv han hadde til 1972. Ingen person har hatt vervet så lenge som Magnus, og alle som kjenner til vegar og kommunikasjon på 1960-talet forstår at dette var eit verv som tok mykje tid. Det var ikkje alle møte i eige fylket som kunne nåast på ein dag på den tid, og godtgjersla kan heller ikkje samanliknast med i dag.

Då ein av våre tilsette laga eit intervju med Grimset i vinter, minnast han tida i Bondelaget som både travel, kjekk og spennande.

Grimset fekk også tillit på nasjonalt nivå og frå 1967- 1973 hadde han vervet som ordførar i Norges Bondelag. I 1971, hadde organisasjonen 75-årsjubileum. I det høve tala Grimset ved æresminnet til Johan Theodor Landmark på Vår Frelsers Gravlund i Oslo. Landmark skipa Norges Bondelag i 1886 og var frå Fjaler i Sogn og Fjordane. Grimset sa under intervjuet sist vår at det var blant dei største oppdragene han har hatt, og at det hadde vore ei sann ære å halde tala. Han hadde teke vare på tala og syntet den stolt fram under intervjuet.

I 1986 vart Magnus Grimset utnemnd som æresmedlem i Sogn og Fjordane Bondelag. Det vart i utnemninga lagt vekt på hans samfunnsgagnelege engasjement heilt frå ung alder. Samstundes vart det presisert at trass i alle verv, så var det først og fremst bonde han var.

Som æresmedlem vart Magnus årleg invitert til å delta på fylkesårsmøta i Sogn og Fjordane Bondelag. Ofte stilte han opp, og då var vegen til talarstolen kort. Dei siste åra meldte han ofte avbod, men på årsmøtet i 2016 kom han med ei videohelsing til årsmøtet der han ynskte oss lukke til med møtet, og bad oss ta tak i dei vanskelege sakene. I videoen spelte han også ein trall på toradaren sin. Det var ei imponert forsamling som lytta til ein 100 åring med tydeleg tale, klar stemme og godt humør.

Vi som kjem etter har stor respekt for arbeidet som Magnus Grimset la ned for fellesskapet gjennom sitt engasjement på ulike nivå i Norges Bondelag. Vi lyser fred over hans minne.

Magnus vart gravlagt den 26. august 2016 ved Naustdal kyrkje.

Leiarar i lokale Bondelag 2016/2017

Flora Bondelag	Leidolv Beverli Stavø	91688169	leiduls@online.no
Norddalsfjord Bondelag	Jan Arve Midtbø	48174174	janmid59@hotmail.no
Eikefjord Bondelag	Asle Magne Ellingsund	47634479	esol4@online.no
Brekke Bondelag	Sjur Haugland	99617570	sjurhaug@online.no
Nordre Gulen Bondelag	Dagfinn Midtun	41690081	samidtun@online.no
Eidsbotn Bondelag	Erling Nesse	91813553	erlingne@online.no
Solund Bondelag	Anne-Marie G Færøy	99298975	gfaeroey@online.no
Høyanger Bondelag	Per Johan Brekke	99732281	per.johan.brekke@enivest.net
Vik Bondelag	Jo Risløv	97170653	jo.rislov@gmail.com
Balestrand Bondelag	Jon Asbjørn Målsnes	95161530	jon.1954@hotmail.com
Fjærland Bondelag	Anders M Skarestad	41318389	skarest@online.no
Leikanger Bondelag	Bjørn Sølsnes	47649119	bjosol@sogn.no
Sogndal Bondelag	Jostein Flatland	48280831	jostein.flatland@online.no
Aurland Bondelag	Thomas Rastad	90231663	2masrastad@gmail.com
Lærdal Bondelag	Njål Golf Kaardal	41173910	golf86@mac.com
Årdal Bondelag	Sveinung Haug	40854117	sveinung.haug@ardal.online.no
Luster Bondelag	Andreas Wollnick Wiese	99226240	andreas@leanfish.no
Jostedal Bondelag	Kristen Alsmo	95857614	alsm@online.no
Hafslo Bondelag	Claus Rumohr Moe	90178199	crmoe@online.no
Veitastrond Bondelag	Jimmy Hilleren	91842987	jimmyhilleren@hotmail.com
Indre Hafslo Bondelag	Olav Ugulen	41323926	o.ugulen@gmail.com
Holmedal og Askvoll. Bondelag	Jostein Kumle	95240052	josteinkumle@hotmail.com
Stongfjorden Bondelag	Karl-Andrè Gjelsvik	91304330	andreagj@online.no
Fjaler og Hyllestad Bondelag	Camilla Avedal Ulvik	98402848	camillaavedal@gmail.com
Gaular Bondelag	Jarle Lundekvam	47466070	jarle@farsundbygg.no
Viksdalen Bondelag	Erlend Brede Fossen	99226575	e_fossen@hotmail.com
Jølster Bondelag	Geir S. Støfring	97135422	gs-stoe@online.no
Stardalen Bondelag	Nils Kjøsnes	47840268	nils.kjosnes@enivest.net
Førde Bondelag	Oddgeir Kvamsås	93865536	oddgeir.kvamsas@enivest.net
Naustdal Bondelag	Arild Herstad	47611636	soherst@online.no
Davik/Ålfoten Bondelag	Stein Kåre Karstensen	90871275	ma-indre@online.no
Bryggja Bondelag	Bjørg Marie Roset	95809375	
Selje og Stadlandet Bondelag	Salvatore Ligia	95309841	tore_ligia@hotmail.com
Eid Bondelag	Helge Jarl Melheim	48151254	jamelhe@online.no
Kjølsdalen Bondelag	Kjell Arne Heggheim	90912452	k-ar@online.no
Henden Bondelag	Ranveig Årskog	99160606	ranveig.aarskog@accountor.no
Hornindal Bondelag	Anders Hjellbakk	97573386	andhjell@online.no
Gloppen Bondelag	Einar Duvold	91171993	mduvo@online.no
Hyen Bondelag	Elias Eimhjellen	91756859	elias@pertunet.no
Breim Bondelag	Geir Thomas Myklebust	95191910	gtmykl@hotmail.com
Stryn Bondelag	Bjørn Magnus Rørtveit	91575796	skihella@online.no
Oppstryn Bondelag	Mathilde Dolen Nesje	90939890	mathilde_d_nesje@hotmail.com
Loen Bondelag	Ingvild Tronrud	90534087	ingvilltronrud@gmail.com
Vikane Bondelag	Oddbjørn Reme	97682197	oddb-re@online.no
Olden Bondelag	Halvard Muri	93047100	halvard.muri@enivest.net
Nordsia Bondelag	Jorunn Beinnes Roset	97187891	r-roset@online.no



Bistår mellom anna innan:

- Landbruk
- Odelsrett
- Fast eigedom
- Vassdragsrett
- Ekspropriasjon
- Avtalar og kjøp/sal
- Plan- og bygningsrett

Advokat Thomas C. Jarning

Advokat Frode S. Halvorsen

Advokat Øystein Hjelmeset

Telefon Førde: 57 83 71 00

Heimeside: <http://harris.no/>

E-post: post@harris.no





Medlem Norges Bondelag

- Bankkort uten årsgebyr
- Unikt rådgivningsmiljø
- Gunstig rente

Gode medlemsfordeler

Alle som er medlem av Norges Bondelag kan bli kunde i Landkreditt bank og dra nytte av avtalen mellom oss og Norges Bondelag. Vi har et stort rådgivningsmiljø som kan gi deg råd tilpasset dine behov innenfor dagligbank, landbruk, lån, sparing og pensjon.

Les mer på Landkredittbank.no/nb
eller snakk med oss på 815 52 245.





Har du benyttet deg av medlemsfordelene dine?

Som medlem av Norges Bondelag kan du få store fordeler hos oss:

- svært god pris på dødsfallsforsikring og ulykkesforsikring
- 20 prosent rabatt på private forsikringer
- inntil 29 prosent rabatt på driftsforsikringer, ytterligere 16 prosent rabatt ved god risikoscore
- ekstra rabatt på bilforsikring for ungdom

Kontakt oss på telefon 03100
eller les mer på gjensidige.no/landbruk



Ring oss
på **03100**,
så hjelper
vi deg





Kva betyr samvirke for deg?

moderne fellesskap eigar tryggleik
sosialt etterbetaling langsiktig merkevarer
rådgjeving demokrati rettferdig
verdikjedemakt



ADVOKATFIRMA

BLIKRA, SLOTTERØY & FONN AS

MEDLEMMER AV DEN NORSKE ADVOKATFORENING

Advokatfirma Blikra, Slotterøy og Fonn AS har sitt hovedkontor i Førde, og vi er den største privatpraktiserende leverandør av juridisk bistand lokalisert i Sogn og Fjordane. Firmaet yter juridisk bistand innenfor de fleste rettsområder. Vi dekker hele fylket med bistand til privatpersoner, kommuner og privat næringsliv. Vi har medlemsavtaler med en rekke lag og organisasjoner både lokalt og nasjonalt.

Våre medarbeidere er:



Ivar Blikra
advokat



Erik Slotterøy
advokat



Robert Fonn
advokat



Synne Catrin Øren
advokat



Odd Bovim
advokat



Jacob Nøseth
adv.flm.



Ida Ein Halle
adv.flm.



Reidun Kongsvik
adv.flm.



Mari Ane Myklebust
sekretær/regnskapsfører



Linda Holsen Vallestad
sekretær

~ Samarbeidsadvokat for Sogn og Fjordane Bondelag ~

Advokatfirma Blikra, Slotterøy & Fonn AS
Postboks 570, 6803 Førde
Telefon 57 83 39 00 – Telefaks 57 83 39 01 – www.fylkesadvokat.no

Det naturlige valget



Nortura eies av bønder, styres av bønder og har samme mål som bønder - å skape best mulig økonomi for bonden.



God stemning når kandidat til Årets Unge Bonde 2016, Andreas Bolset frå Jølster har besøk av 8. klassingar frå Skei skule.

Profesjonell hjelp når du trenger det mest!

Vi har 40 kvalitetssikrede verksteder, 100 velutstyrte servicebiler, 200 kompetente mekanikere og ikke minst sentrallager i Norge som har åpent 365 dager i året.

Alt for å kunne hjelpe deg raskest mulig med å løse små og store problemer ved en driftsstans.



*Det finnes to slags kundeforhold.
De som slutter i butikken når du har kjøpt maskinen
– og de som er der også når uhellet er ute.*

Tlf.: 03520 • www.felleskjopet.no

